

Kampanja "Promocija zadrugarstva u BiH"

U okviru Projekta UG "Nešto Više" će sprovesti Kampanju promoviranja poljoprivrednih zadruga u Bosni i Hercegovini, domaćih primarnih poljoprivrednih proizvoda/kultura, te uspješnih poljoprivrednih proizvođača iz različitih dijelova BiH. Prilikom Kampanje UG "Nešto Više" će u bliskoj suradnji sa državnim institucijama, nevladinim organizacijama, zadrugama i internacionalnim organizacijama prikupiti značajne informacije, kako bi se javnost što bolje i kvalitetnije upoznala sa činjenicama iz svijeta bosanskohercegovačke poljoprivrede.

Cilj nam je skrenuti pažnju javnosti na izuzetne resurse kojima BiH raspolaže, prezentirati rad poljoprivrednih zadruga i kultura koje uspijevaju u zemlji, popularizirati učešće mladih u poljoprivredi, te promovirati rad i ulaganje UG "Nešto Više" kroz projekat "Razvijanje agro business-a kroz poljoprivredne zadruge".

Materijali proizvedeni i distribuirani tokom Kampanje direktno će utjecati na povezanost između poljoprivrednih zadruga, proizvođača, tržišta, obrazovnih institucija i poljoprivrednih instituta, internacionalnih i lokalnih organizacija koje ulažu sredstva u poljoprivredu BiH, državnih institucija odgovornih za razvoj poljoprivrede, te krajnjih kupaca poljoprivrednih proizvoda.

U toku Kampanje prikupiće se podaci o svim poljoprivrednim zadrugama u BiH, sa osnovnim podacima o svakoj zadrugi i te će informacije biti objavljene u Adresaru poljoprivrednih zadruga. Pored Adresara, publikovaćemo i knjigu proizvođača primarnih poljoprivrednih proizvoda u BiH.

Putem flajera će se u toku Kampanje promovirati i model modernog zadrugarstva koji se primjenjuje u svim svjetskim poljoprivrednim velesilama.

Svi materijali će se dijeliti poljoprivrednim zadrugama i organizacijama koje se bave poljoprivredom u BiH.

Kompletna Kampanja će biti praćena i na našoj stranici www.nestovise.org.

NEŠTO VIŠE ZA POLJOPRIVREDU

Operativne kancelarije/uredi Udruženja

Banja Luka,
Mačvanska 10, 051 46 55 82 (sjedište), Aleksandar Bundalo, Administrator


Sarajevo,
Džemala Bijedića bb, 033 71 06 50 / 033 71 06 51, Emsa Laković, Direktor PT Programa Stipendiranja

Mostar,
Zrinjski Frankopana 12/2, 036 34 25 33, Vanja Sudar, Direktor PT Programa Razvojnih Inicijativa / Sanja Đermanović, Direktor Udruženja

Uredništvo:

Tim za marketing i komunikacije
Mirza Nalo & Željko Ostojić
Kordinatorator za programsku kampanju
Kancelarija UG "Nešto Više" Sarajevo
tel/faks:033/710-651
zeljkoostojic@nestovise.org
www.nestovise.org

Bilten



Projekat: Razvijanje agro-business-a kroz poljoprivredne zadruge

jul 2005.

Broj 2

Udruženje građana "Nešto Više" je nevladina, neprofitna organizacija, osnovana 1997. godine od strane grupe entuzijasta koji imaju dugogodišnja pozitivna iskustva i rezultate u radu sa sektorom organizacija civilnog društva.



Razvijanje agro business - a
kroz poljoprivredne zadruge

Izjava misije:

"Nešto Više" razvija društvo pružanjem šanse individualcima da, učeći kroz rad, pomažu drugima.



NEŠTO VIŠE

Projekat: Razvijanje agro-business-a kroz poljoprivredne zadruge

Projekat je pokrenut u septembru 2004. godine sa ciljem:

Unaprijeđivanje ekonomije Bosne i Hercegovine razvijanjem poljoprivrede.

Ostvarenje projektnog cilja je planirano kroz uspostavljanje partnerstva sa 9 poljoprivrednih zadruga na području cijele Bosne i Hercegovine i zajednički rad u periodu od 01/11/2004 do 31/08/2005. U svaku od ovih zadruga je upućen dvočlani tim uposlenika UG "Nešto Više" da radi puno radno vrijeme na unaprijeđivanju metoda rada sa postojećim osobljem zadruga.

Projekat se sastoji od tri glavna segmenta unutar kojih su organizovane i sprovedene različite aktivnosti finansirane i logistički podržane od strane UG "Nešto Više":

I Razvoj zadruga

Treninzi i konsultacije za osoblje

U cilju povećanja efektivnosti i unaprijeđivanja znanja i vještina osoblja zadruga organizovani su treninzi i konsultacije iz oblasti zakonskih regulativa u poljoprivredi, upoznavanja modela koji se koriste u svijetu, razvoja malih business-a u poljoprivredi, poljoprivrednog marketinga, dizajna i sprovođenja kampanje, te drugih specifičnih oblasti prema potrebama na terenu.

Osnivanje biblioteke sa stručnom literaturom

Da bi se unaprijedila ponuda usluga koju zadruga osigurava svojim članovima, te da bi se poljoprivrednicima omogućilo proširivanje znanja iz oblasti određene poljoprivredne proizvodnje/uzgoja, unutar svake zadruga je oformljena biblioteka sa stručnom literaturom koja je na raspolaganju svim zainteresiranim.

Zadružni plastenik

Kroz Projekat su osigurana sredstva za 200 m² plastenika po zadrugi, kao primjer zadružnog mini business-a. Svaka od zadruga je razvila business plan da bi se pokazala isplativost plastenika i mogućnosti generisanja novca u budućnosti te načini korištenja u demonstrativno-edukativne svrhe. Zadruga su osigurale zemljište, radnu snagu, kao i početna sredstva za uzgoj u plastenicima.

Zbog specifičnih klimatskih uslova i vrste poljoprivredne proizvodnje u području u kojem djeluju, neke od zadruga su sredstva namijenjena za izgradnju plastenika uložili na drugi način u skladu sa potrebama zadruga. Tako je nabavljena mašina za utovarivanje stajskog đubriva, oprema za zagrijavanje plastenika, oprema za poljoprivrednu apoteku i oprema za veterinarsku stanicu.

Pokretanje novog zadružnog business-a

U okviru Projekta je planirano da svaka od zadruga pokrene novi pogon/uslugu do kraja avgusta/kolovoza 2005. UG "Nešto Više" je osiguralo ukupan bazen od 97.000 KM granta, kao procentualno učešće u sredstvima. Osoblje zadruga je izradilo business planove na osnovu kojih su alocirana sredstva iz ovog bazena prema preporukama stručnjaka u maju/svibnju 2005. i to tako da grant po zadrugi ne može prijeći 40% ukupnog budžeta business plana i to maksimalno do 20.000 KM. Uposlenici zadruga zajedno sa našim osobljem angažiranim u zadrugi trebaju iznaći ostatak novca, bilo sa računa zadruga, kreditnim ili donatorskim sredstvima.

Suradnja i posjete drugim zadrugama

Da bi se unaprijedila komunikacija i razmijenila iskustva u dosadašnjem radu sa drugim zadrugama u zemlji i regionu, svaka od zadruga je posjetila najmanje tri druge zadruge u okviru Projekta, te nekoliko zadruga u Bosni i Hercegovini, Hrvatskoj i Srbiji i Crnoj Gori.

U toku je realizacija posjeta zadrugama sa razvijenim sektorom zadrugarstva i poljoprivredne proizvodnje u Sloveniji, Mađarskoj i Italiji u cilju upoznavanja sa funkcionalnim modelima i sistemima rada, te potencijalnog razvoja dalje saradnje na međunarodnom nivou.

II Povećanje poljoprivredne proizvodnje

Treninzi i konsultacije za proizvođače

Imajući u vidu vrlo tradicionalnu poljoprivrednu proizvodnju u našoj zemlji i neophodnost unaprijeđenja iste, jedna od glavnih aktivnosti bila je organiziranje treninga za proizvođače u cilju poboljšanja/povećanja proizvodnje, uzgoja novih kultura i boljeg korištenja resursa koje imaju na raspolaganju. Teme treninga su se birale isključivo prema stanju i mogućnostima na terenu. Osim treninga, osigurane su individualne konsultacije proizvođačima za njihove konkretne probleme u proizvodnji sa stručnjacima iz poljoprivrede.

Fond za kratkoročne beskamratne pozajmice za proizvođače

U svakoj zadruzi se dizajnirao program pozajmica namijenjen proizvođačima za njihove proizvodne potrebe, gdje su se dijelile beskamratne pozajmice za poljoprivredu u maksimalnom iznosu do 500 KM uz osiguran grace period.

Sistem volontiranja proizvođača

Osoblje zadruge zajedno sa "Nešto Više" timom je kreiralo sistem volontiranja članova zadruge za potrebe zadruge, zajednice i pojedinaca u cilju izgradnje čvrstih međuljudskih odnosa između članova zadruge.

Informisanje proizvođača

Osoblje zadruge zajedno sa "Nešto Više" timom je kroz kontakte i lobiranje općinskih vlasti, resornih ministarstava, stranih i domaćih investitora i organizacija koje djeluju u ovom sektoru, informisalo svoje proizvođače o postojećim programima namjenjenim za pomoć poljoprivrednicima kao što su subvencije, izdvajanje budžetskih sredstava, krediti, grantovi, zakonske i poreske olakšice i sl.

III Proširivanje tržišta za poljoprivredne proizvode

Razvoj tržišne strategije i infrastrukture

Uz stručnu pomoć i edukaciju osoblja i članova zadruge izrađena je detaljna tržišna strategija za svaku pojedinačnu zadrugu od identifikacije kupaca, cijena, mjesta, proizvoda, promocije, načina distribucije, sklapanje ugovora i sl., preko planiranja budućeg razvoja proizvodnje i zadovoljavanja tržišta.

Direktori zadruga o Projektu



Emir Šukman, direktor ZZ "JABLANICA", JABLANICA

Iskustva o zajedničkom radu na ovom Projektu su krajnje pozitivna, a posebno bih istakao trud tima koji radi u našoj zadruzi i njihovu veliku spremnost za rad. Pokazali su nam neke nove stvari u planiranju, marketingu i komunikaciji sa drugim subjektima kao što su donatori. Istakao bih još i vještinu lobiranja koju je tim maksimalno koristio u predstavljanju naše zadruge u javnosti.

<http://www.nestovise.org/ptpri/zadruga/jablanica.htm>

Mehmed Nikšić, direktor ZZ "TARČIN" TARČIN

Novine koje su Projektom definisane su definitivno osvježile rad zadruge. Tim u našoj zadruzi je zapravo popunio sve praznine koje smo imali u organiziranju zadruge. To su male, ali veoma bitne stvari koje nismo imali, kao e-mail, baza podataka... Puno smo radili na marketinškoj prezentaciji zadruge, i čini mi se da smo sredstva koja smo dobili od Udruženja iskoristili na pravi način. Takođe, mislim da je Projekat pripremio teren zadrugama da mogu zaraditi novac.

<http://www.nestovise.org/ptpri/zadruga/tarcin.htm>



Blago Markota, direktor PZ "AGROPLOD", ČITLUK

Rad i Projekat UG "Nešto Više" je totalno opravdan. Djevojke koje rade u u našoj zadruzi su predane u svom radu. Na bilo kom sastanku su predstavljale zadrugu u pravom svijetlu. Evo sada su trenutno u posjeti Sloveniji, sa nekoliko naših članova i nadam se da će nam donijeti korisna iskustva. Mali problem nam je u tome što je vrlo teško pratiti sve novine koje unose u rad i prilično često idealizuju stvari, a naše društvo to malo teže prihvata.

<http://www.nestovise.org/ptpri/zadruga/citluk.htm>



Vidoje Lemez, direktor OZZ "SARADNJA", ISTOČNO SARAJEVO

Tim koji radi u zadruzi je uložio velike napore da se naša zadruga registruje u zakonskom roku. Takođe se moram zahvaliti za tehničku podršku od strane Udruženja u vidu telefonske linije, prostora itd. Proizvođači su čuli za našu zadrugu i informišu se o radu zadruge. Radimo najviše na omasovljenju članstva. Moram naglasiti da smo uspostavili odličnu saradnju sa opštinama Lukavica i Kasindo i da se nadamo produženju saradnje sa U G "Nešto Više".

<http://www.nestovise.org/ptpri/zadruga/istsarajavo.htm>

Sreten Vasić, direktor OZZ "TRNOVO", TRNOVO

Ja sam prezadovoljan sa dosadašnjim radom tima koji radi u našoj zadruzi. Pojavili smo se na BiH tržištu u vrlo kratkom vremenskom periodu od registracije zadruge. Posebno dragocjena pomoć osoblja UG "Nešto Više" je bila pri pripremi biznis plana i projekta "Otkup i prerada ljekovitog bilja i eteričnih ulja". Udruženje nas je podržalo u ovom projektu i sada očekujemo od LAMP-a da nam obezbijedi druga sredstva. Sada trenutno radimo na edukaciji kooperanata-sakupljača ljekovitog bilja u saradnji sa timom iz UG "Nešto Više".

<http://www.nestovise.org/ptpri/zadruga/trnovo.htm>



Milan Savić, direktor ZZ "AGRAR" JANJA, BIJELJINA

Partnerski projekat sa U G "Nešto Više" u radu zadruge je djelovao korisno, u smislu kreditiranja i obuke zadrugara i kooperanata. Primjetan je veliki doprinos u ostvarivanju naših ideja na uvezivanju zadruge sa poljoprivrednim proizvođačima. Zajedno smo ostvarili kontakte sa licima i pravnim subjektima koji su neophodni za poboljšanje teškog stanja u zadrugama. Neophodno je istaći da se tim koji radi u našoj zadruzi, izuzetno uklopio u rad i probleme zadruge, iako nisu poljoprivredne struke. Izuzetan doprinos i zalaganje su dali u izradi, a sada i u realizaciji biznis plana. Saradnici pouzdani, odgovorni, samo da ih čovjek poželi takve.

<http://www.nestovise.org/ptpri/zadruga/janja.htm>

Dalibor Grabež, direktor SZUP "PUŽ", BANJALUKA

Kroz projekat "Razvijanje Agro business-a kroz poljoprivredne zadruge" Udruženja građana "Nešto Više", uspješno smo se medijski predstavili široj javnosti BiH, što mi kao Zadruga dosad nismo uspjeli, te nam je to doprijenelo širenju i podsticaju drugih da se bave ovom vrstom djelatnosti. Kako mi ni tehnički nismo bili opremljeni, kroz ovaj Projekat smo uspjeli odgovoriti potrebama i zahtjevima naših farmera kroz pomoć stručnom kadru kako obilaskom farmi tako i kvalitetnijim praćenjem farmera pri uzgoju puževa na farmama. Ovaj Projekat nam je doprinio i uspješnijoj saradnji s drugim zadrugama/firmama koje se bave uzgojem i otkupom puževa kako unutar granica BiH tako i u susjednim državama. Uz veliku finansijsku podršku U G "Nešto Više" organizuje se i seminar na kojem će gost biti direktor instituta za helikokulturu Kuneo, Kerasko, Italija, Đovani Avanjina gdje će se razgovarati o svim aktuelnim temama kao i o pripremanju za otkup puža koji se očekuje u septembru.

<http://www.nestovise.org/ptpri/zadruga/banjaluka.htm>



Mirko Aleksić, direktor OZZ "SLOGA" BRANEŠCI, ČELINAC

Smatram da je ovaj Projekat dobro zamišljen i da se na terenu sve realizuje po planu i programu. Zadovoljni smo sa dosada uložnim sredstvima, a nadamo se da će ovaj Projekat ostati i dalje na ovom području i da će se realizovati u većem obimu što je i nama u cilju. Saradnja između OZZ "Sloga" i UG "Nešto Više" kao i zalaganje obje strane, kako profesionalno tako i privatno, da se ovaj Projekat uspješno realizuje, je na izuzetno visokom nivou. Iskreno sam sretan i počastvovan činjenicom da smo od velikog broja zadruga baš mi izabrani za realizaciju ovog Projekta. Iskustva stečena u zajedničkom radu su od neprocjenjive važnosti za dalji rad zadruge i proširenje njenih kapaciteta. Iskreno se nadam da će i ubuduće biti ovakvih ili sličnih inicijativa mladih ljudi koji žele da unaprijede sredine u kojima žive.

<http://www.nestovise.org/ptpri/zadruga/branesci.htm>